

永
定
河
志

永定河志目錄

卷三 考一

古河考

永定河志卷三

河考

桑乾河自發源至西山北歷代罕有變遷出山而南挾沙壅泥所至淤墊自元迄明遷變靡常始而薊北繼而

畿南浸淫及於雄涿在遼宋前資其灌溉者金元後且急隄防矣蓋惟善淤是以善徙容受之地既少漫衍之地自寬也茲節錄漢魏以來史志記

傳以備折衷為古河考現在經行及隄防宣洩之處為今河考合而觀之可以見

本朝建隄設官規模宏遠非前代補苴之為所可比擬也

古河考

說文灤水出雁門陰館縣累頭山東入海

謹按說文灤從水累聲力追切音累與灤潏二水別源灤力軌切音累說文前漢書地理志水經注皆曰水出右北平俊靡縣東入庚灤他合切音沓說文出東郡東武陽入海說文有灤無

深濕即濟深之深本字也隸改曰為田又省一
系作澤而濕轉沿為煇澤之澤俗本水經漢志
又誤以澤為濕通雅遂謂濕澤澤形相類集韻
又謂澤澤澤音義同而澤澤澤因與澤混矣庶吉
士百戴震得永樂大典內水經注
古本詳加訂正而澤水之義始明

漢書地理志雁門郡陰館縣注累頭山治水所出

東至泉州入海過郡六行千一百里

謹按治水有三一說文出東萊曲城陽邱山一
漢書地理志泰山郡南武陽冠右山治水所出
俱音持其一則累頭山所出之治水漢志師古
曰累力追翻治戈之翻燕荆王傳作台集韻湯
來切音胎胡三省通鑑注水出
累頭山疑當時亦有累水之名

水經漂水出雁門陰館縣

漢書地理志雁門郡注秦置陰館注樓煩鄉景

帝後三年置

大清一統志大同府表山陰縣漢陰館縣地

酈氏注漂水出於累頭山

馬邑縣志洪濤山在雷山之側俗名神頭山又

名漂頭山一曰治水泉發於山側沿波歷澗東北

流出山逕陰館縣

大同府志今故城西
案宇記陰館在句注

陞北郡國志句注陞即雁門山大同府志雁門山在山陰縣西南故城當在山陰代州之間縣

故樓煩鄉也

大同府志樓煩地甚廣今山陰及寧武府屬皆其故處謹按漢書地理

志有樓煩縣故於陰館漂水又東北流合桑乾水

縣注樓煩鄉以別之

縣西北上平洪源七輪謂之桑乾泉即涿涑水者也者老云其水源通承太原汾陽北燕京山之大

池

按道元汾水注燕京山亦管涔山之異名也寧武府志山在寧武縣西南六十里

池在

山原之上世謂之天池方八里餘澄渟鏡淨潭而不流陽燠不耗陰雨不溢無能測其源深也池東隔阜又有一石池方可五六十步清深鏡潔不異

大池桑乾水自源東南流右會馬邑川水水出馬邑西川東逕馬邑縣故城南

謹按馬邑志邑南有土堡堡東有土城周

八里或即馬邑故城

東注桑乾水又東南流右會漂水亂流

枝水南分

隋諸道圖經漂水即桑乾河

金史地理志馬邑有洪濤山漂水又曰桑乾河

大清一統志黃水河源出朔州東南東北流逕馬邑縣

又東北流入大同府山陰縣界即古治水一名漂

水金史地理志馬邑縣有漂水按治水乃漂水潦

涓水乃桑乾水二水各出而合流或以治水即桑

乾水誤

寧武府志天池在寧武縣西南四十里天池山元池在天池東俗謂之雌雄水岡巒相間而津脉潛通天池方廣可十餘里元池方廣可五六里

太原府志天池即祁連泊

馬邑縣志天池伏雷至縣雷山之陽在縣西北十里漚為

七泉曰上源曰玉泉曰三泉曰司馬洪濤一曰司馬泊

曰金龍池在司馬泊前曰小盧又名細盧濤泉曰

國公廟前

小泊

一日小蒲

七泉合而為一是為桑乾又桑乾發源

於黃道泉

在縣西北八里洪濤山下

金龍池二水合流喇河復

注之流經縣西南東三面至鄆河

在縣東三十里

東抵山

陰縣界

謹按桑乾河源各志皆云七泉前陞任北岸同知王榮勛上源考云神頭村泉一處曰玉泉發

源至河不及一里距縣十里龍池村泉三處

三泉曰司馬洪濤曰金龍池發源至河約二里

距縣十里小泊村泉三處曰上源曰小虛曰小泊距河半里至縣五里以上七泉城西合為一

股流至縣南會西來之恢河始名桑乾河又按馬邑縣志小泊泉在縣西北五里細虛溝泉與

金龍池一脈相通三泉一在縣南五十里一在縣東五十里并不匯入金龍池其上泉玉泉俱未指明詢之土人亦不得其處

馬邑縣令王日新建金龍池捲棚記池名金龍舊傳二龍出化為馬其水清澈可鑒眉睫東流稍折而南約二射即產馬處深莫得其底

馬邑縣霍之瑄建桑乾河永濟橋記桑乾河發源於城西北黃道泉金龍池會喇河口諸水繞城之西南而東直達盧溝其勢建瓴而下每夏秋水漲

怒濤驚天奔雷殷地此洪濤山之所以名也

大清一統志恢河在朔州西南自寧武府寧武縣流入
又北至馬邑縣南入桑乾河即古馬邑川

一統志泥河在朔州北東流入馬邑縣界入桑乾
河

一統志鄆河在朔州東東流入馬邑縣界入桑乾
河

馬邑縣霍燥募建恢河橋疏桑乾河冬暖恢河伏

流為邑八景之二桑乾著名遠邇而恢河旁流則
遠未之知也桑乾冬暖以近水之源從黃道泉泉
水從不結冰恢河派出神池去邑百二十里至邑
之南而東而後與桑乾合流今文筆峰下曾有龍
王廟一座廟前即二水匯流處駕橋其上

寧武縣志恢河源出縣西南四十里分水嶺嶺西
為汾河嶺東為恢河源東北流經郡城南門外又
東南流出陽方口入朔州境

齊召南水道提綱馬邑西南有灰河西南自朔州
來會恢河實桑乾南源較洪濤稍遠

馬邑縣志恢河即灰河在縣南五里發源於寧武
山口北經流紅崖村伏流十五里至塔底邨復出
經朔州至邑南東流而北折入桑乾河合流而東
一統志七里河在朔州北七里源出洪濤山流經
酸刺村東南入灰河又臘河在朔州北二十里洪
濤山之陽南流合岢峴河注灰河又沙楞河在朔

州東南三十里朝夕有潮流逕賈家莊引水灌田

東入灰河

謹按以上諸水會入桑乾河在今寧武朔平二府屬東北流入大同府山陰縣境

水經注桑乾水又東左合武州塞水水出故城東

寧武府志在故武州縣北遼今平魯縣地因武州山故稱武州塞州一作周南流出山

逕日沒城南大同縣志今縣西南百三十里有黃昏城疑即古日沒城又東流

右注桑乾水桑乾水又東南逕黃瓜阜曲南大同府志

在山陰縣北又屈逕其堆南又東右合枝津枝津上承

桑乾河東南流逕桑乾郡北

原注大魏因以立郡按魏書地形志無桑

乾又東北左合夏屋山水

大同府志在山陰縣南

水南出夏

屋山之東谿西北流逕故城北又西北入桑乾枝水桑乾枝水又東流長津委浪通結兩湖東湖西浦淵潭相接水至清深俗謂之南池南池水又東南注桑乾水為漂水並受通稱矣

大同府志武周塞水即慈毛小峪大峪紅山峪諸口之水東南入桑乾者在黃花岡之北蓋古武周

塞在今大朔二府界盤踞數十里其自武周塞北
出東轉又東住如渾水者曰羊水一水也自靈岩
南又東南流出武周塞口者謂之武周川又一水
也

大同府志黃水河源出朔州東南之三泉流逕辛
村元英村寢散亂復聚於黑圪塔疑即水經注所
稱桑乾枝津也

山西通志懷仁縣近漢注陶縣地今縣東十五里

高鎮子堡舊為鎮子海周迴四十五里居民決水

轉流於桑乾河遂涸疑即古南池也

水經注瀑水又東北逕石亭西

原注魏天錫三年建

又東北

逕白狼堆南

大同府志在應州西北

又東流四十九里東逕

巨魏亭

大同府志在應州之北

又東崞川水注之水南出崞

縣故城南

大同府志在渾源州西二十里橫山左側遺址尚存今名麻家莊山

又西

出山謂之崞口北流逕煩時縣故城東

大同府志當在今應

渾二州之間

又北逕巨魏亭東又北逕劇陽縣故城西

一統志在 又東注於漂水

寧武府志崞川水源出今渾源州東北二十里汗土峪今名神頭邨循州城西北流至應州界又折而北入桑乾

水經注漂水又東逕班氏縣南大同府志當在如

渾水注之水出涼城旋鴻縣西南五十餘里謹按

魏置梁城郡領參合祇鴻二縣郡注作涼城旋鴻未詳東流逕故城南北俗

謂之獨谷孤城大同府志在塞外水亦即名馬東

合旋鴻池水水出旋鴻縣東山水積成池北引

魚水水出魚谿南流注池池水吐納川流以成巨

沼東西二里南北四里北對涼川城之南池池方

五十里西南流逕旋鴻縣南右合如渾水是總二

水之名矣如渾水又東南流逕永固縣

魏志屬代郡字武府

志今偏閑神池代之永固縣地

右會羊水水出平城縣之西苑外

府志平城即今府治

武州塞北出東轉逕燕昌城南

府志城在今府

西北得勝佳之南

羊水又東注如渾水亂流逕方山南

大同

府志南距府治五十里如渾水北來注之又南至靈泉池枝津東南注

池池東西百步南北二百步如渾水又南分二水

一水西出南屈入北苑中歷諸池沼又南逕虎園

東又逕平城西郭內

謹按魏太祖天興初定都平城營宮室建城郭治苑園故

郭注於此咸陳池台亭館之美茲第錄水所經之處又南屈逕平城縣故城

南

謹按魏書魏築新平城故以漢平城為其水夾故城今大同府城東五里本漢平城地

御路南流逕蓬台西又南逕皇舅寺西

原注皇舅寺昌黎王

馮晉造又南逕永寧七級浮圖又南遠出郊郭一水

南逕白登山西

大同府志白登山今名馬鋪山在大同縣東七里

其水又

逕寧先宮又南逕平城故城東自北苑南出歷京

城內又南逕藉田及葑圃西明堂東如渾水又南

與武周川水會水出縣西南山下二源俱導俱發

一山東北流合成一川北流逕武周縣故城西

武穿

府志在大同府境

又東北右合黃水水西出黃阜下

謹按大同

府志古名黃瓜堆亦作黃瓜阜後訛瓜為花又稱黃花岡黃花嶺今在鹿州北四十里

東北

流聖山之水注焉

謹按大同府志靈邱縣東北二十里有聖水山山下出泉名龍

山水出西山東流注於黃水黃水又東注武周川

又東厯故亭北右合火山

謹按原注火山有火井湯井風穴石炭等語今

惟天鎮縣西兩二十里豐魏山有風洞大同縣西而坤雲山有古井一東北流注武周川水名口泉

其西山猶產石炭餘俱無致西谿水水導源火山西北流又東

北流注武周川水武周川水又東南流東轉逕靈

岩南川水又東南流出山自山口枝渠東出入苑

溉諸園池一水自枝渠南流東南出火山水注之

水發火山東谿東北流出山又東注武周川逕平

平定回民卷三
城縣南東流注如渾水如渾水又南流逕班氏縣故城東又東南流注於灤水

一統志如渾水在大同縣東北四十里自塞外南流入又南至縣東南入桑乾河今名御河

大同府志如渾水導源察哈爾正紅旂遊牧之葫蘆海東南流入豐鎮廳北又南逕慈老溝又東南逕新城河靈泉自左注之又南逕河口灘行廳境凡五十餘里由鎮羌邊牆水口南流入大同縣界

又南逕孤山村得勝河西來注之左得八墩口之
水又南逕白馬城又東南逕紫閣村西又南逕府
東門外之興雲橋亦名玉河金史地理志大同縣
有如渾水玉河實一水也其溢而西出者曰柳港
今已涸如渾水又折而南逕獨覺岡又南合武周
川水入桑乾河厯縣境凡百四十里今如渾水自
方山南漸趨而東又逶迤而南其西出而南之枝
津泉池大槩涸塞錄之以見拓拔魏建都時其水

道通行如此

大同府志靈泉出豐鎮廳東石元山麓東北百步
許邈新城灣西注如渾水靈泉池在麓山下

一統志武周川水自朔平府左雲縣東流入懷仁
縣北又東南流至大同縣東南入御河今名十里
河

大同府志武周川水俗名十里河源發塞外菱角
海由古雲內城入殺虎口東南逕左雲縣雲岡石

窟寺南其東一窟靈泉出焉南流數十步注之川
水東入大同縣境又東逕佛字灣水經注武周川
水東南流水側有石砥垣舍并諸窟室又東轉靈
岩南鑿石開山因崖結構山堂水殿烟寺相望即
其處矣川水又東南逕東西十里河村口泉谿之
水西來注之又東南至合河口如渾水合焉沿河
各村居民開渠引水資以灌溉
蔚縣志聖水泉在城北聖水泉堡

大同府志口泉導源坤雲山北口泉峪迤為方池
池上有橋歷橋陟磴數十梯而上有泉神廟廟左
古井一乃泉源也其水東北流逕烟村嶺又東北
逕口泉村又東注武周川水

水經注灤水又東逕平邑縣故城南

後漢書郡國志代郡有北

平邑大同府志今天鎮縣南七十里有大古城門疑即古平邑故城又東逕沙陵南

大同府志沙陵當在陽高天鎮縣之南西寧縣之西又東逕猗氏縣故城北

日下舊聞引十三州志在高柳南百三十里又東逕道人縣故城南又

東逕陽城縣故城南又東流安陽水注之水出縣

東北潭中謂之太拔回水自潭東南流注於漂水

又東逕安陽故城北

大同府志今桑乾由陽高東入天鎮縣境至小蘆場入

直隸西寧境又東至保安川境與洋水合則陽原
崇在西寧縣氏道人俱當在縣南迤東西漢代郡
領縣十八以今地界考之高柳東安陽迤陽高延
陵平舒迤廣靈且如參合迤豐鎮皆與縣毗連又
宣化府志西寧前漢代郡之陽原
水安陽縣北地故城遺在西寧

大同府志郡之川以桑乾為經府屬豐鎮大同及
懷仁山陰應州廣靈陽高天鎮之水潭源西流之

水皆匯焉其水自泥河村東南流逕山陰縣西三十里之河陽堡入府境東流逕安銀子村北逕安居坊又東北逕新舊岱岳村北折而東逕黃花嶺南之後小圪塔冰經注所謂桑乾水逕黃瓜阜曲西又屈經其堆南者也又東新莊子河出大于口自左注之又東逕安昌寺麻合疇東湖嶺諸村入應州界東逕州西三十里之涼亭村其右黃水白泥二河由師家坊東北流注之又東逕大營村木

瓜河西來注之又東逕北賈家寨曹娘子村左得
磨道河之水又東左得清水河復折而北逕白塘
子村又東鹽鹺二河納南山諸口之水自右注之
又北逕屯兒村里八莊河南流注之又東逕西安
堡南堡在懷仁縣東南三十里順治六年大同縣
所移治也其左崞川水循遛耀山北流注之又東
北逕鄭家莊入大同縣界左得大峪口紅山峪之
水又東逕新橋村古冢坡與如渾水會又東逕甯

城廂古定橋北明嘉靖間御史宋儀望請開桑乾河言源發金龍池下甌城廂古定橋即此又東逕徐疇南又東北逕于家寨補村明史作卜村所謂大同卜村有叢石者也又東逕西冊田貴仁村東冊田亂石村西堰頭梁家馬營入陽高縣南川界又東南逕黃土梁南又東逕東偃頭大柳樹小石莊南又東至西馬營入天鎮縣南川界又東逕蘆子屯北嘴兒圖南五泉河石門溝之水自左注之

又東逕六稜山小鹽場南又東至直隸西寧縣白
家泉出境與壺流河合又東北流至保安州東南
與洋河合陽原即今西寧縣黃瓜阜在山陰縣北
夏屋山在縣南武周塞水即大于口水與武周川
別白狼堆在應州西北巨魏亭在州北如渾水由
今府治南三十五里會武周川入桑乾則班氏當
在大同縣南而北平邑沙陵孫氏當在陽高天鎮
縣南西寧之西皆桑乾河經流之府境也陽高縣

小石莊渠一道由大同縣西堰頭引入灌田數十
頃天鎮縣東太保西太保村小渠六道灌田二三
四頃又小鹽場村小渠三道引水灌田三四頃

謹按以上諸水會入桑乾河在今大
同府屬東北流入直隸宣化府境

水經漂水東北過代郡桑乾縣南

一統志桑乾縣
漢屬代郡今直

隸蔚州及
西寧縣地

鄜氏注漂水東逕昌平縣

宣化府志今西寧地漢
之昌平縣今昌平州則

東魏天平中
僑置之邑溫泉注之水出南墳下三源俱導合

而南流東北注灤水灤水又東逕昌平故城

一統志在

蔚州北魏灤水又東北逕桑乾故城西

在蔚州北

漢置屬又屈逕其城北

謹按原注引魏土地記曰代城北九十里
有桑乾故城城西渡桑乾水去城十里有
溫湯療疾有驗經言出南非也今蔚州北
九十里屬西寧地則故城當在西寧縣之
西南為正

西寧縣志溫泉在城東八里去順聖廢縣二里冬

夏可浴

水經注灤水又東流祁夷水注之水出平舒縣東

一統志今逕平舒縣之故城大同府志今廣靈縣西十里有平水村故

城在其南舒水或音近之訛南澤中其水控引衆泉以成一川

祁夷水又東北逕蘭亭南大同府志漢志沙蘭縣有蘭池城今懷仁縣本

沙蘭地亭城注多通用又東北逕石門關北五代史石門峪山路狹隘一夫

可以當百蔚州志石門又東北得飛狐谷蔚州志關在城西南四十里在州東

南六十里有飛狐關畿輔通志在代城西南四十里水西北流注

祁夷水祁夷水又東北流逕代城西宣化府志在蔚州東後魏

以平地為代郡又東北熱水注之水出綾羅澤未詳以此為東代

在所東北流注祁夷水祁夷水又東北谷水注之水

出昌平縣故城南又東北入祁夷水祁夷水右會

逆水水導源將城東

原注在代郡東北十五里疑即東代

西北流逕

將城北又西注於祁夷之水逆之為名以西流故

也祁夷水東北逕青牛淵

原注有龍出於茲浦形類青牛故淵潭受名焉

水自淵東注之祁夷水又北逕一故城西又逕昌

平郡東

謹按魏地形志太和中分恒州東部置燕州領昌平郡昌平縣注有龍泉當即青牛

淵也又注云考昌中臨天平中寄幽州宣都城今即城無可攷而鄴注又作昌平郡未詳所在又

北連水入馬水出鵠脊縣東

前漢書地理志屬上谷郡

西北流

逕鵠脊縣故城南

未詳所在

又西逕廣昌城南

魏輔通志泰置

屬代郡今屬易州

又西逕王莽城南

宣化府志在蔚州東

又西到刺

山水注之

魏輔通志在蔚州東八十里

水出到刺山西其水北

流逕一故亭東西北注連水

未詳所在

連水又北逕當

城縣故城西

魏輔通志在蔚州東

又逕故城東而西北流注

祁夷水祁夷水又北逕桑乾故城東而注於漂水

魏輔通志祁夷水即壺流河在蔚州城北一里東

北流百里至西寧縣東城界小度口入桑乾

山西志壺流河在廣寧縣南源出沙泉其形如壺
經蔚州入桑乾河

宣化鎮志暖泉在蔚州城西二十五里夏涼冬暖
或即熱河

水經注瀑水又東北得石山水口未詳何地水出南山

北流逕空候城東原注魏土地記代城東北九十里有空候城宣化府志蔚城東

北八十里為宣化縣西南界則城在縣地可知其水又東北流注瀑水瀑

水又東逕潘縣故城北畿輔通志在保安州西南七十里

懷戎故城即潘縣故地即今治也水合協陽關水宣化府志在保安州西

出協谿其水東北流歷筭頭山宣化府志在保安州西又北

逕潘縣故城左會潘泉故瀆原注瀆上承潘城中泉縱廣十數步東出

城注關水雨盛則通注陽關水又東北流注於漂

水漂水又東逕雍洛城南一統志在保安州西又東逕下洛

故城南畿輔通志在保安州西又東逕高邑亭北又東逕三

臺北三臺無考又東逕無鄉城北畿輔通志在保安州南又東温

泉水注之水上承溫泉於橋山下

畿輔通志在保安州東南北

流入於瀑水

水經注瀑水又東左得于延水口水出塞外柔元

鎮西長川城城南小山

大同府志柔元鎮近長川城在今正黃旗五祿戶難

城南小山即山海經梁渠山

東南流逕且如縣故城南

大同府志在今

堂鎮廳東北界亦作沮如

即修水也修水又東南逕馬城故城

北畿輔通志在懷安縣北大同府志在今察哈爾正黃旗哈洮河之南

又東逕零丁

城南

畿輔通志在萬全縣北

又合延鄉水

大同府志今豐鎮廳地

出縣

西山東逕延陵縣故城北

天鎮縣志在新平堡

又東逕羅亭

天鎮縣志魏書號羅候城當在今平遠堡

又東逕馬城南右東注脩水

又東南於大寧郡北

謹按漢寧縣晉改置廣寧郡北魏因之今屬全縣地

又

注雁門水水出雁門山東南流逕高柳故城北

大同

府志今豐鎮廳地故城當在廳界東

又東南流屈逕一故城背山面

澤俗謂此險城

大同府志在今陽高縣東

雁門水又東南流屈

而東北積而為潭敦水注之其水導源西北少咸

山之南麓

大同府志在大同縣東北

東流逕叅合縣故城南

大同

府志當在又東沁水注之水出東阜下西北流逕

故城又北合敷水亂流東北注雁門水雁門水又

東北入陽門山謂之陽門水與神泉水合水出葦

壁北水有靈焉又東北台水注之水上承神泉於

葦壁

大同府志在天鎮縣五家山北

東逕陽門山南托台谷

天鎮縣志

陽門即城東南諸山謂之托台水沒引泉谿渾濤

東注行者間十餘渡東逕三會城南

大同府志當在天鎮縣姜

前又東逕托台亭北

幾輔通志在托台水南

又東北逕馬頭

亭北載輔通志在托台亭東東北注雁門水又東逕

大寧郡北脩水注之即山海經所謂脩水東流注

於雁門水也自下通謂之于延水矣于延水又東

逕岡城南載輔通志在懷安縣東北又左與寧川水合水出西

北東南流逕小寧縣故城南載輔通志在宣化府城北又東黑

城川水注之水有三源出黑土城即黑土臺西北奇源

合注總為一川東南逕黑土城西又東南流逕大

寧縣西而南入延河又東逕大寧縣故城南又東

南逕茹縣故城北幾輔通志在宣化府城東又東南逕鳴雞山

西幾輔通志在宣化府城東南一作雞鳴又云在雞鳴驛北五里謹按鄭注引唐弄鳴雞二事而

未定今考各志多作雞鳴當以雞鳴為是又南逕且居縣故城南幾輔通志

在宣化府城東東南注於漂水

一統志洋河亦名東洋河源出邊外自山西天鎮

縣界流入東流逕懷安縣北又東逕萬全縣保安

州東合桑乾河即古于延水也

大同府志于延水一名修水即今東洋河也由察

哈爾正黃旗五祿戶灘發源南流逕大青山又南逕黑土臺屈而東逕碾房窪謂之二道河又東入直隸張家口葛河合流南至懷安縣柴溝堡西北滙西洋河

一統志西洋河在懷安縣北自山西天鎮縣平遠堡流入逕西洋河堡南五里又東至柴溝堡西北入東洋河古延鄉水也

明史地理志大同府陽高縣有雁門山雁門水出

馬雁門水卽十里河由開山口入繞城而東折而南入白登河自陽高縣雲門山北豐鎮界南流入開山口東北繞城而東與白登河會又東入天鎮縣境又東右得三沙河水折而北名十里河又東逕永嘉堡入直隸懷安縣界合西洋河

一統志南洋河在懷安縣西亦自天鎮縣界流入柴溝堡西南五里又東入東洋河卽古雁門水也大同府志敦水源出大同縣東北七十八里聚落

水經注卷三
山南俗名河兒頭東北注雁門水又云即今白登
河發源山下河兒頭

宣化府志澁水按隋志懷戎縣有郭澁水今未知
所在

大同府志五家山西北距天鎮縣治六十里左界
沙河源又界神泉中起托臺谷又北起陽門山廣
靈縣志神泉即雁門山水下水也

畿輔通志托台水即水溝口河在懷安縣北自山

西天鎮縣流入逕縣西北合柳河至萬全左衛界
入洋河

萬全縣志寧川水即清水河源出塞外鴛鴦湖南
漚正北溝東西沙溝諸水流入張家口溉田甚廣
畿輔通志宣化縣東十五里泥河即古黑城川水
一統志清水河源出邊外自張家口流入南流逕
萬全縣東又南至宣化縣界入洋河即古寧川水
也按今清水河發源張家口外二派分流其東北

有水自獨石口外西南流合焉南流入邊逕張家口堡東北五里又南至宣化縣西界入洋河乃古寧川水也又有一河亦名清水河自葛峪堡西流合小水泉西南流繞府城北而西入洋河此則別是一水舊志混為一誤

水經灤水又東過涿鹿縣北

畿輔通志漢置下落涿鹿藩三縣皆屬上

谷郡今保安州地

水經注涿水出涿鹿山

畿輔通志在保安州南

世謂之張公

泉東北流逕涿鹿縣故城

幾輔通志在保安州南昔黃帝所都

又東

北與阪泉合其水導源縣之東泉泉水東北流與

蚩尤水合水出蚩尤城

幾輔通志在保安州東南

淵而不流濡

雨併則流注阪泉亂流東北入涿水涿水又連逕

平原郡南

原注魏徙平原之民置此故倚郡以處之幾輔通志在保安州東南

又東

北逕祚亭北

未詳所在

而東入於漂水

宣化府志涿水在保安州東南

幾輔通志阪泉在保安州東南

保安州志礮山堡十里西南有七旗里泉即阪泉
東北流合黑龍池水頭寺津龍王堂池諸水又東
環堡地北又東南入縉山河即蚩尤泉也

水經注漂水又東南左會清夷水亦謂之滄河也

水出長亭南西逕城村故城北無考又西北平鄉川

水注之水出平鄉亭西西北流注清夷水清夷水

又西北逕陰莫亭

畿輔通志在
延慶州南

又西會牧牛山水

魏土地記沮陽城東
八十里有牧牛山

山下有九十九泉即滄河之

上源也九十九泉積以成川西南流谷水與浮圖

溝水注之水出夷興縣故城西南兼補通志在俱

西南流入滄水滄水又西南右會地裂溝宣化府志在延

慶州南流入滄河滄河又西逕居庸縣故城南宣化

府志在延慶州東有粟水入焉水出縣下城西枕水又屈

逕其縣南南注滄河滄河又西右與陽溝水合出

縣東北西南流逕居庸縣故城北西逕大翻小翻

山南一統志在延慶州北二十五里右出溫湯其水東南流左會

陽溝水亂流南注滄河滄河又左得清夷水口清

夷水又西靈亭水注之水出馬蘭西澤中澤水所

鍾以成溝瀆瀆水又左與馬蘭谿水會水導源馬

蘭城東南入澤水澤水又南逕靈亭北又屈逕靈

亭東又南流注於清夷水清夷水又南得桓公泉

水源出沮陽縣東

宣化府志延慶州漢沮陽縣地

而西北流入清

夷水清夷水又西逕沮陽縣故城北

宣化府志在懷來縣南

又屈逕其城西南流注于灤水灤水南至馬陘山

謂之落馬洪

謹按隋諸道圖經桑乾水出馬陞山謂清泉河亦曰干泉今馬陞山無可証郡注俗謂干水非

一統志媯河自延慶州東北發源西流逕州城南又西逕懷來縣界南又西南流入桑乾河本古清夷水也今訛曰媯河冊說媯河在延慶州南半里自永寧縣流入又西逕懷來縣南一里又西南流五十五里入縉山河按括地志媯水在懷戎本漢潘縣在今保安州西南界此自是清夷水遼史謂

水經注卷三
三
媯泉在可汗州城中宣鎮志謂出延慶海陀山冊
說又謂出永寧龍灣水屯皆不察懷戎移治清夷
而誤指也

謹按今延慶州漢置居庸縣屬上谷郡後魏天
平改為懷戎縣地唐析置媯川縣屬媯州今懷
安縣齊隋為懷戎縣地唐垂拱中置清夷
軍長安二年始移懷戎縣及媯州懷來治

延慶州志媯河自州西北大海陀山發源為州境
後河流經一堵山韓家河絳家河馬蹄潭金剛山
前至州東北古城南數里分支流灌上花園雙營

堡後田地若干頃繞州治南歸於大河今自雙營
南即埋塞流竭舊道猶存幹河東南流數里入於
地伏流十餘里復出至永寧界舊有水碾水磧四
座流逕曹家營林王全營蓮花池州南南新堡統
城過小河屯白龍廟西南大營張老營黑龍廟平
房西入懷來合洋河入桑乾

畿輔通志溪河自延慶州南流出團山西南流逕
永寧縣城西流入州界合媯河即古滄河也

延慶州志百眼泉在州南三里百竅湧出故名今
湮疑即古九十九泉

畿輔通志粟水在延慶州西源出州北十里屈家
堡西南流逕城西又屈逕城南門外南入媯河即
粟水非沽河也

畿輔通志阪橋河在延慶州西北十里源出阪泉
西南流入媯河水經注陽溝水即此

畿輔通志溫湯在延慶州西北三十里源出佛峪

山南流入媯河

畿輔通志桓公泉在懷來縣南

畿輔通志桑乾河自山西天鎮縣流入西寧縣與蔚州分界逕縣南二十里又東逕順聖城南又東逕宣化南界又東逕保安州南至州東南二十里與洋河合為燕尾河又東南流逕縉山又南流與媯水合為合河口又東南逕沿河口入順天府宛平縣界

遼史聖宗十一年六月大雨秋七月桑乾河溢居

庸關西害禾稼殆盡奉聖

今保安州

南京

今順天府

居民多

墊溺者

謹按媯水即滄河在今延慶州東南居庸關東北三十里西南流入懷安境與水經注大畧相

符第所遺之北村平鄉及九十九泉浮圖溝等水皆無可考即州志所載百眼泉韓家河絳家

河馬蹄潭下流亦云湮塞豈是年桑乾河溢居庸關遂被墊溺耶不敢附會錄存以俟參考

謹按以上諸水會入桑乾河在今宣化府屬東南流入順天府宛平縣境

水經漂水又東南出山

水經注瀑水又南出山瀑布飛梁懸河注壑湍湍
十許丈謂之落馬洪柳亦孟門之流也瀑水自山
南出謂之清泉河俗亦謂之曰干水非也

宛平縣志故桑乾河道石子盈馬山曰盧師山寺

曰盧師寺

畿輔通志盧師山在宛平縣三十里

謹按盧師山在石景山西北二十里

畿輔通志清泉河在大興縣東南亦曰渾河舊渠
自宛平縣東流入境又東入張家灣入白河按清

泉古渾河正流也元時渾河自東麻谷分為二支
故其流漸弱至明時益斷續不常正統中常浚三
里河以入之三里河在城南

曹學佺名勝志盧溝河在府西四十里即桑乾河
也府西百里有清水河流迺大臺村又西百餘里
有小谿流迺青口村俱入之

水經注漂水又東南迺良鄉縣之北界

漢志屬廣陽國魏書

屬燕郡今 歷梁山

謹按宛平縣西北百二十里有
菩薩崖崖南有二梁山再南則

大梁山秦乾河逕其西南再南則清水溝王平高口而通志及府縣志皆未載梁山或有遺誤

梁之水出焉

畿輔通志高梁河在宛平縣西源出昌平州沙澗

東南流逕高梁店又東流入都城積水潭

水經灤水過廣陽薊縣北

畿輔通志大興縣周初薊國秦置薊縣漢屬廣

陽郡治

酈氏注灤水又東逕廣陽縣故城北

唐恬地志廣陽縣故城在

良鄉東北三十七里

又東北逕薊縣故城

畿輔通志今大興縣治

南魏

土地記薊城南七里有清泉河而不逕其北蓋經
誤証矣灤水又東與洗馬溝水合水上承薊水西
注太湖湖有二源水俱出縣西北平地道源流結
西湖湖東西二里南北三里蓋燕之舊池也湖水
東流為洗馬溝側城南門東注又東入於灤水
宛平縣志洗馬溝在城西四十五里

胥學仝名勝志太湖在府治西四十里南流入洗
馬溝與玉淵潭燕家泊諸水滙而為西湖

明統志太湖在城西四十五里廣袤十數畝旁有
泉湧出經冬不凍東流為洗馬溝

宛平縣志西湖在城西三十里玉泉山下清泉澎
湃潄而為湖

桂文襄等奏議昌平州神山泉南會一畝馬眼二
泉統出甕山復滙七里濼即今之西湖東入都城
西水門貫積水潭即今之海子

水經注灤水又東逕燕王陵南

原注是二陵竟不知何王陵也水經

注釋按金史恭璉傳初兩燕王墓舊在中都東城門外海陵廣京城園基在東城內大定九年詔改葬於城外及啟墳東墓之柩題曰燕王舊古柩字通用乃西漢高祖子劉建墓也其西蓋燕王劉嘉之墓又東南高梁之水注焉水出薊城西北平地

泉流東逕燕王陵北又東逕薊城北又東南流魏土地記曰薊東十里有高梁之水者也其水又東南入漂水

水經漂水又東至漁陽雍奴縣西入笥溝

漢書地理志漁

陽郡有漁陽路雍奴泉州一統志後魏省泉州入雍奴為漁陽即治唐天寶初改武清

鄴氏注筍溝潞水之別名也魏土地記曰清泉河
上承桑乾河東流與潞水合潞水東入漁陽所在
枝分故俗諺云高粱無上源清泉無下尾蓋以高
梁微涓淺薄裁足通津憑藉涓流方成川則清泉
至潞所在枝分更為微津散漫難尋故也

隋諸道圖經潞水即桑乾河至馬陁山為落馬河
出山謂之清泉河亦曰千泉至雍奴入筍溝謂之

合口

謹按以上諸水與桑乾河會入潞河
在今京城北宛平大興武清通州境

孫國牧燕都遊覽志分水嶺在府西四十五里諸水至此分而為二一入盧溝河一入房山縣界

周輝北轅錄盧溝河亦謂黑水河河色最濁其急如箭

畿輔通志順天府西南十里麗澤關平地有泉十餘穴滙而成溪東南流為柳林河下流注於盧溝河

金史河渠志大定十年議決盧溝以通京師漕運

上欣然曰如此則諸路之物可徑達京師利孰大
焉命計之當役千里內民夫上命免被災之地以
百官從人助役已而敕宰臣曰山東歲饑工役興
則妨農作能勿怨乎開河本欲利民而反取怨不
可其姑罷之十一年十二月省臣奏復開之自金
口疏導至京城北入壕而東至通州之北入潞水
及渠成以地勢高峻水性渾濁峻則奔流漩洄鑿
岸善崩濁則泥淖淤塞積渾成淺不能勝舟其後

上謂宰臣曰分盧溝為漕渠竟未見功若果能行南路諸貨皆至京師而價賤矣平章政事駙馬元忠曰請求識河道者按視其地竟不能行而罷二十五年五月盧溝橋決於上陽邨先是決顯通寨詔發中都三百里內民夫塞之至是復決朝廷恐枉費物力遂令且勿治二十七年三月宰臣以孟家山金口埽下視都城高一百二十餘尺止以射糧軍守之恐不足恃倘暴漲人或為奸其害非細

若固塞之則所灌稻田俱為陸地種植禾麥亦非
曠土不然則更立重牌仍於岸上置埽官廨署及
埽兵之室庶幾可以無虞也上是其言遣使塞之
明昌三年六月盧溝隄決詔速遏塞之無令氾濫
為害右拾遺路鐸上疏言當從水勢分流以行不
必補修元洞口以下丁邨以上舊隄上命宰臣議
之遂命工部尚書胥持國及路鐸同檢視其隄道
蘇天爵元名臣事畧至元二年都水少監郭公言

金時自燕京之西麻峪村分引盧溝一支東流穿
西山而出是謂金口其水自金口以東燕京以北
溉田若干頃兵興以來以大石塞之今若按視故
迹使水通流上可以致山西之利下可以廣京畿
之漕又言當於金口西預開減水口西南還大河
令其深廣以防漲水突入之患上納其議

元世祖本紀至元三年鑿金口導盧溝水以漕西
山木石大德六年四月修盧溝上流石隄山河隄

元史河渠志金口河至正二年正月中書參議字

羅帖陵爾都水傳佐建言

許有壬傳作象加慶善
八及李羅帖木兒獻議

起自通州南高麗莊直至西山石峽鐵板開水古
金口一百二十餘里創開新河一道深五丈廣二
十丈放西山金口水東流至高麗莊合御河接引
海運至大都城內輸納是時脫脫為中書右丞相
以其言奏而行之廷臣多言其不可而左丞許有
壬言尤力脫脫排羣議不納務於必行有壬因條

陳其利害丞相不從遂以正月興工至四月功畢
起閘於金口水流湍勢急泥沙壅塞船不可行而
開挖之際毀民廬舍墳塋夫丁死傷甚衆又費用
不貲卒以無功繼而御史糾劾建言者李羅帖木
兒傳佐俱伏誅。

元史河渠志盧溝河其源出於代地名曰小黃河
以流濁故也自奉聖州流入宛平縣境至都城四
十里東麻峪分為二派太宗七年八月敕近劉冲

祿言率水工二百餘人已依期築閉盧溝河元破
牙梳口若不修隄固護恐水漲冲壞或利徒盜決
灌溉請令禁止剽冲祿可就主領毋致冲塌盜決
犯者以違制論徒二年決杖七十如遇修築時所
用丁夫器具應差處調發之其舊有水手人夫內
五十人差官存留不妨已委管領常切巡視訪究
歲一交番所司有不應付者罪之

元史河渠志渾河本盧溝水從大興縣流至東安

州武清縣入潞州界至大二年十月渾河水決左
都威衛營西大隄汜濫南流沒左右二翅及後衛
屯田麥由是左都威衛言十月五日水決永清縣
王甫村隄濶五十餘步深五尺許水西南漫平地
環流緣營倉局不沒者無幾恐來歲春冰消夏雨
作冲決成渠軍民被害或遷置營司或多差軍民
脩塞庶免墊溺三年二月下左右翅及後衛大都
路委官督工脩治五月工畢皇慶元年二月東安

州言渾河水溢決黃竭隄一十七所都水監計工
物移文工部樞密知院塔失帖木兒奏左衛言渾
河決隄口二處屯田不耕種已發軍五百脩治臣
等議治水有司職耳宜令中書戒所屬用心脩治
從之七月省議委工部員外郎張彬言巡視渾河
六月大雨水漲踰文決隄口二百餘步漂民廬沒
禾稼乞委官修治發民兵刈雜草興築延祐元年
左衛言六月渾河決武清縣劉家莊隄口差軍七

百興築并同東安州民夫協力修治三年三月省
議渾河決隄堰沒田禾軍民蒙害既已奏聞差官
相視自石陘山金口下至武清縣界舊隄長計三
百四十八里中間因舊修築者大小四十七處漲
水所害合修補者一十九處無隄創修者八處宜
疏通者二處計工三十八萬一百役軍夫三萬五
千九十六日可畢如通築則役大難成就令分作
三年為之省院差官先發軍民夫匠萬人修其要

渠盡淤嘉靖十年從郎中陸時雍言發卒濬導三十四年修柳林至草橋大河四十一年命尚書雷禮修盧溝河岸禮言盧溝東南有大河從麗莊園入直沽下海沙澱十餘里稍東岔河從固安抵直沽勢高今當先濬大河令水歸故道然後築長隄以固之決口地下水勢急人力難驟施西岸故隄綿亘八百丈遺址可按宜併築詔從其請明年訖工東西岸石隄凡九百六十丈

明成祖實錄永樂二年十月修順義府固安縣渾
河決岸七年六月固安縣渾河決賀家口傷禾稼
命工部即遣官修築十五年閏五月修固安縣孫
家口隄岸

劉侗帝京景物畧明永樂十年盧溝河潰岸八百
丈修焉

明仁宗實錄洪熙元年七月水決盧溝橋東狼窩
口岸一百餘丈命行後軍都督府行部發軍民修

築

明宣宗實錄宣德四年二月修盧溝橋凌水所決
河口四月命侍郎羅汝敬往督六年五月壬申順
天府奏霸州保定縣地低窪臨邊渾河往者河岸
缺壞皆是保定文安大城諸縣民夫同軍衛修築
今河水冲缺岸土漸薄且有坍塌之處若水溢決
潰必傷田苗請如舊集衆預修庶幾有備無患從
之六月丁未順天府固安縣奏今夏久雨渾河漲

溢冲決徐家等口上命工部撥工修理之七年三月壬戌渾水決固安縣馬莊等處隄岸命順天府發民修築九年六月水決渾河東岸自狼窩口至小屯厰行在工部請修治從之命都督鄭銘董其役

明英宗實錄正統元年七月命行在工部左侍郎李庸修狼窩口等處隄二年二月李庸請建河神祠於隄上且令宛平縣復民二十戶自石徑山至

癸巳不止渾河水溢沒人畜廬舍甚衆

顧祖禹讀史方輿紀要盧溝河在東安縣西自固安縣流入境元皇慶初渾河水溢決東安境內黃蠋隄一十七所是也又東南合霸州之巨馬河

明史河渠志桑乾河盧溝上源也穿西山入宛平縣界東南至看丹口分為二其一東流由通州高麗莊入白河其一南流霸州合易水南至天津丁字沽入漕河曰盧溝河亦曰渾河初過懷來東西

山間不得肆至都城西四十里石景山之東地平
土疏衝激震盪遷徙靡常元史名盧溝曰小黃河
以其流濁也上流在西山後者盈涸無定不為害
下流在西山前者氾溢傷稼歲封病之隄防急焉
洪武十六年潞蘇乾河自固安至高家莊八十里
霸州西支河二十里南支河三十五里永樂七年
決固安賀家口十年壞盧溝橋及隄岸沒田盧溝
人畜洪熙元年決東狼窩口宣德三年潰盧溝隄

皆發卒治之六年順天府尹李庸上言永樂決渾
河之新城高從周口遂致淤塞霸州桑園里上下
每年水漲無所洩漫湧倒流北灌海子四牛欄佃
請急修築從之九年決東狼窩口命都督鄭銘往
築正統元年復命侍郎李庸修築竝及盧溝橋小
屯厰潰岸明年工竣越三年白溝渾河二水俱溢
決保定縣安州隄五十餘處復命庸治之築龍王
廟南石隄七年築渾河口八年築固安決口成化

七年霸州知州蔣愷言城北草橋界河上接渾河
下至小直沽注于海永樂間渾河改流西南經固
安新城雄縣抵州屢次為害近決孫家口東流入
河又東抵三角淀小直沽乃其故道請因其自然
之勢修築隄岸詔順天府官相度行之十九年命
侍郎杜謙督理盧溝河隄岸弘治二年決楊木廠
隄命新寧伯譚祐侍郎陳政內官李興等督官軍
二萬人築之正德元年築狼窩決口以之下流支

處是月樞府奏撥軍三千委中衛僉事督修治之
七年五月營田提舉司言去歲十二月屯戶巡視
廣賦屯北渾河隄二百餘步將崩恐春首土解水
漲浸沒為患乞修治都水監委濠寨營田提舉司
官武清縣官督夫脩完廣武屯陷薄隄一處永興
屯北低薄一處落堡卽西冲圯一處永興屯北崩
圯一處王卽莊西河東岸北至北墳兜南至韓村
西道口劉邢莊西河東岸北至寶僧百戶屯南至

白墳免總用工五萬三千七百二十二泰定四年
四月省議三年六月內大雨山水暴漲氾沒大興
縣諸鄉桑棗田園移文樞府於七衛屯田及見有
軍內差三千人修治

元成宗本紀大德六年四月修盧溝上流石徑山
河隄乙亥修永清縣南河

元仁宗本紀延祐元年六月涿州范陽房山二縣
渾河溢壞民田四百九十餘頃七月乙亥武清縣

渾河隄決淹沒民田發廩賑之二年春正月丙寅
大雨壞渾河隄堰沒民田發卒補之七年渾河溢
壞民田廬

元英宗本紀至治元年六月己巳渾河溢被災者
二萬三千三百戶霸州大水渾河溢被災者三萬
餘戶秋七月乙酉大雨渾河防決二年六月修渾
河隄

元泰定帝本紀泰定元年夏四月甲子發兵民築

渾河隄三年七月渾河決四年三月渾河決發軍
民萬人塞之

固安縣志元至元三年發民夫築渾河隄九年再
築以防河水大德六年築渾河隄長八十里仍禁
豪家毋侵舊河令屯軍及民耕種延祐二年大水
壞渾河隄堰發卒補之泰定三年渾河決發軍民
萬人塞之

元順帝本紀至元三年六月辛巳大雨自是日至

盧溝橋往來巡視從之四年六月小屯厰西隄決
詔發附近丁夫修築八年六月潭河水溢決固安
縣賈家口張家口等隄詔鄰近州縣協力修築十
一年六月潭河氾溢賈家口張家口隄決命有司
築之

明憲宗實錄成化七年二月撥官軍五千以少監
高通都督鮑政工部侍郎李顯修築盧溝橋隄岸
十二年二月工部言保定等縣言各縣河岸沖決

數多有妨耕種乞存留原借通惠河人夫以便修築本部委官徐九思等亦各言盧溝橋及直沽天津迤北南營要兒渡口一帶河道沖決淤塞有妨漕運比之通惠河尤急宜即如所奏准其存留其直沽盧溝一帶河岸道路亦宜酌量緩急暫撥通惠河人夫用工從之

明武宗實錄正德元年二月庚申命工部修盧溝橋隄岸以去年六月為水沖壞六百餘丈故也

顧祖禹讀史方輿紀要正德中渾河隄決禾黍悉
為巨浸又嘉靖初徙流固安縣北十里入永清縣
界

明世宗實錄嘉靖十一年五月太僕寺卿何棟言
看得涿州有胡良河自拒馬河分流至涿州東入
渾河良鄉有琉璃河發源磁家務潛入地中至良
鄉東入渾河皆其故道近以渾河沙壅阻塞二河
下流遂致平地淹沒瀰漫至數千餘頃勘得下流

壅塞之沙僅四五里用力頗易計費不多所當急為疏浚工部覆奏得旨允行

武清縣志嘉靖三十三年六月盧溝橋口又潰海子牆大水無涯

明世宗實錄嘉靖四十一年八月盧溝西南隄壞命工部尚書雷禮往視禮還上修築事宜又言當委幹局九人分任九區并力責成又言橋東西岸甃石不堅當俟決隄工完之日加工繕治報可

周夢暘水部備考永樂正統間狼窩口大決為京師屢患嘗修築弘治二年發軍民夫治之嘉靖三十年以後東隄決幾二十處於是以三十五年興工次年橋工告成是以安流者數歲四十一年西南又決復行修理隄岸始堅

袁黃皇都水利考嘉靖十年命工部郎中陸時雍修盧溝河以支流導入於海三十四年命修盧溝從柳林通雞鶩房導入大河四十一年命工部尚

書雷禮修盧溝河先導大河令岔河水歸故道從莊麗園入直沽下海凡三易治終世宗朝盧溝無患也

固安縣志明天順初渾河在固安縣西二十餘里時遭水溢縣丞王瑛請借鄰境夫萬餘助修東岸隄堰北自良鄉界南抵霸州界百餘里亘亘如引繩成化初甄家等口潰決水患相仍邑令量借屯糧軍併力築砌隄防復固嘉靖初徙縣北十餘里

東流至縣東紀家莊北分為二萬歷二年又徙縣
西十餘里東南流逕黃堡之北而東南入霸州界
尋又徙縣城隄下萬歷四十一年泛漲彌甚水與
隄平邑令與邑紳郭光復率合城士民日夜修築
水未入城復又徙縣北之虞堡店又北徙龐家莊
國朝順治八年渾河徙固安迤西幾七十里與白溝
河合十一年由縣西宮村與清水合南入新城縣
界

東安縣志萬歷八年春旱無麥夏秋渾河溢十一年渾河決隄口水失故道四十年渾河徙逼縣城四十五年六月暴雨渾河溢西城下天啟六年夏渾河溢入城架巢而居云盧溝水至東安過耿就橋一分東至界河入土樓東南一分西至界河入左夾西南今自盧溝橋下流徙固安縣經永清縣北東注自孫家堡一分派永清之南一分派東安之西至隆慶末年分派於東安者又分為二

由韓村至管家屯迤東自有奔縣之勢然離縣二十里即停不行止在本屯前後左右為害一從韓村東南下歷衡亭左奕朱村馬子莊至桃河頭萬歷二年積雨水溢人畜漂沒知縣洪一謨力請築隄隄成賴以無患萬歷六年馬子莊隄口決淪駱駝灣知縣韓景閔塞之九年舊口復決知縣張汝蘊修之自是屢修屢決至二十三年七月河徙於霸州泥河舊址盡成沃壤矣

永清縣志嘉靖三十一年水溢漂沒廬舍至萬歷
三年巡撫王一鶚監司錢藻築隄延袤五十餘里
障之使東縣人稍寧及二十二年後復抵縣界直
逼城垣三十五年霪雨四十餘日城垣隄岸俱崩
國朝順治八年辛卯一夕風雨驟作河遂遷徙固安
迤西幾七十里合白溝河南下河患暫息康熙三
十一年直撫郭世隆修築河隄

霸州志順治十一年渾河決白家莊由涿州入新

城又屢決於固安之巨羅堡由城西北東入清河
後更決於新城之九華臺南里諸口霸州西南成
巨浸矣

武清縣志康熙七年渾河水溢徙鳳河至武清城
下平地水深丈許三門皆塞二十五年渾河改流
固安之米各莊直入霸州之苑家口

一統志廣陽河在良鄉縣東

即今琉璃河

舊入聖水自

盧溝南決遂東注桑乾河

良鄉縣志廣陽河自房山北公村至縣境南流注
桑乾河又鹽溝河發源宛平縣龍門口東南經縣

陶村入桑乾河

註按今北牛河即廣陽鹽溝二水之會流也二
水至縣城東南合流為三叉口南流至任村西
南入大清河一遇水漲奔騰衝突故土人謂之
北牛河良鄉固霸之間屢被其害雍正四年
怡親王於任村南開濟新河東南逕涿州東固
安縣西北循盧溝故道南過霸州之南孟等村
拷栳圈入中亭河長二百餘里自是潦
水有歸即今之金門閣下減水引河也

涿州志巨馬河

巨一作拒

在州北五里即涑水易源易

州廣昌縣至房山境分二支一東流涿州經固安縣東南入桑乾河一南流經新城入白溝河又挾

河

挾一作俠

在州北二十里方輿紀要自房山縣流入

涿州界與胡良河合入於琉璃河

一統志琉璃河源出房山縣西北東南逕良鄉縣又東南逕涿州東又南入保定府新城縣界即古聖水也

謹按今琉璃河發源房山縣西北黑龍潭及孔水洞俗名盧村河東流逕縣東南二十里入良

鄉界始名琉璃河經縣西南四十里又南入涿
州界亦名清河自琉璃橋東行可四五里折而
東南可二三里得使河口又東南可二十里得
巨馬河口又東南可七八里為茨村正西去涿
州三十里東岸有潭河決口土人云舊時潭河
從固安之故城村西南至茨村東北合琉璃河
遂直南街茨村分為二後潭河漸徙而至東康
熙戊辰始盡堙塞不復相通而琉璃河遂南入
新城
縣界

新城縣志潭河舊在縣東二十五里後徙固安歲
久順治十年癸巳忽氾漲由東北固安之故城村
衝決大河一道直入新城境內東北羅里莊齊王

務及東南口頭村咎哥莊正南十里鋪高橋盡為
澤國垂二十年至康熙十一年壬子乃東徙復歸
固安霸州

雄縣志康熙七年七月渾河決遂東奔雄舊志在
縣東北三十里經新城東南由何哥莊入天津後
遷宛平之龐哥莊

一統志會同河即洩易諸水下流自保定府雄縣
流入名玉帶河東流保定縣北又東經霸州南為

會通河又東南經東安縣南又東入天津縣界注
於西沽本古巨馬河故道也舊注玉帶河上源有
二派一西北自新城縣來曰北九河一西南自任
邱縣五官淀來曰南六河俱會於雄縣之毛兒灣
流入保定縣界為玉帶河又東入霸州界經州南
十三里至縣東南二十里與渾河合名會通河亦
名苑口河又東分二流入文安縣界其正流至州
東四十里田家口南名邊家河又東至東安縣為

呂公河東經縣南五十里又東入武清縣界為王
慶坨河分為二俱經王慶坨鎮而入三角淀冊說
玉帶河自毛兒灣東流三里許至保定縣界張家
口又六七里經縣城北又東北十餘里經十王堂
入霸州界又東北流二十里許為善來營其旁為
渾河口又東五里為苑家口又東五里為蘇家橋
河流至此分為三道正流東行至直沽一東北行
五十餘里從信安出一東南行通運鹽河流淺易

涸其正流東北行不及三十里為王家莊自蘇家橋而下俱謂之淀泊水發則漫無涯涘水退則蘆荻彌望東北可十二里與信安鎮之支河會又東可十餘里得新開河口即鹽河也又東可二十餘里為褚河港南岸有河口謂之長子河分流三十里合於王慶坨河又東北曲折可八里為東河港又東可十餘里為王慶坨有河口亦鹽河分派也自王慶坨又東迤南二十里即三角淀也

謹按諸河後多淤改惟中亭一支與玉帶河南
北相望其下自霸州東三岔口分為三派一東
北流逕臺山會中亭河又東出紀家淀逕勝芳
鎮曰勝芳河為北派一東流由趙家房逕托蓮
淀出郭家窪會勝芳河為中派一東流由下馬
頭逕在家房張家嘴抵左各莊泊曰石溝河
南派三派並至臺頭會流曰臺頭河子牙河自
西南來注之又東逕天津楊家河連西沽由霸
州三岔口至楊家河凡百四十里中皆淀池康熙
三十九年以後永定河下流自西北來由柳
岔口逕辛章河入淀雖河慶安瀾而二十餘年
渾流注入勝芳辛章一帶淀池未免受淤恐阻
清水達津之路雍正四年怡賢親王興修水
利請將子牙河併歸東股引永定河北入三角
淀使河自河而淀自淀渾流無復橫入為患矣
又於上游開中亭河四十里以分玉帶河之水

下游開勝芳河十七里其張青口石溝河淤淺之處概加疏濬淤池之蓄納既寬而七十二清河遂至今通駛達津云

一統志古惟三角淀最大又當西沽之上故諸水皆會入於此今漸淤而小新志合相近諸淀泊總謂之東淀云

天津府志東淀袤延霸州文安武清東安靜三境蓋七十二清河之所匯也永定河自西北來子牙河自西南來咸入之

謹按子牙河今由大城王家口永定河今入武清縣沙家淀

天津衛志三角淀在武清縣南周二百里或云即古雍奴水方輿紀要其源曰范甕口王慶坨河

河越深河劉道口河魚兒里河諸水皆聚於此東會於直沽入海

武清縣志三角淀在縣南八十里名筍溝一名葦洶周圍二百里即雍奴水也

謹按水經注邕奴者葦澤之名四面有水曰雍奴南極滹沱西至泉州邕奴東極於海

謂之邑奴數其澤野有九十九澱舊志浞在武清縣南八十餘里東西五六里南北十餘里又按桑乾河下游滙流諸水遷徙於京城以南在宛良涿霸新雄固永東武境內會歸天津入海

永定河志卷三